

VAPAPALATI VA XIBALO VO DUMA

Lionel Messi

Mutlangi wa bolo wa ndhuma wa Barcelona FC na Argentina Lionel Messi na tata wa yena Jorge Horacio va hakerile €10 miliyoni eka swibalo swa le ndzhaku ku ringeta no papalata ku voniwa nandzu eka mpapalato wa xibalo. Lavambirhi va samanisiwile ku vonaka ekhoto ekusuhi na Barcelona hi Ndzhati 2013, hi leswi yelanaka na swibalo leswi kolotiwaka swa mali leyi ngenaka ya timfanelo to tirhisa swifaniso hi 2010 na 2011. Loko vo voniwa nandzu, va nga langutana na xigwevo xa ntsevu wa malembe ekhotsweni.

Dolce and Gabbana

Vatumbuluxi va lebulu yo durha ya le Italy leyi tivekaka misava hinkwayo Dolce & Gabbana, Domenico Dolce na Stefano Gabbana va voniwile nandzu wo papalata ku hakela xibalo hi khoto ya le Milan hi Khotavuxika 2013. Vachuchisi va hehla leswaku vadizayini va fexeni va tsandzekile ku tivisa €200 miliyoni loko tiburendenkulu timbirhi ta khamphani ti xaviseriwa khamphani ya mikavelo ya le Luxembourg. Dolce na Gabbana va gweviwile lembe na nhungu wa tinhweti ekhotsweni, no yimisiwa, naswona va lerisiwile ku hakela ndziho wa €500 000 eka vufambisi bya xibalo bya le Italy. Eka nandzu wa le tlhelo Italy, hi 2000 muyimbeleri wa opera mufi Luciano Pavarotti u hakerile ku tlula \$12 miliyoni eka swibalo swa le ndzhaku, loko hi le tlhelo khale ka nhenha ya misava hinkwayo ya Moto Valentino Rossi a pfumerile ku hakela \$51 miliyoni eka ejensi ya xibalo ya le Italy hi 2008.

Lauryn Hill

Hi Mudyaxihi 2013 khale ka xirho xa bende ya Fugees xa ndhuma lexi wineke sagwati ra Grammy na alibamu ya yena a ri yexe The Miseducation of Lauryn Hill u gweviwile tinhweti tinharhu ekhotsweni ra Federal no hetisela tinhweti tinharhu a khotswiwile ekaya hikwalaho ko tsandzeka ku hakela swibalo eka miholo ya yena yo tlula \$2 miliyoni enkarhini wa nkarhi wa ntlhanu wa malembe. U tivonile nandzu eka milandzu leyi hi 2012. Eka hinkwaswo, Vachuchisi va Federal va vurile leswaku Hill u horile kwalomuya ka \$2.3 miliyoni enkarhini wa ntlhanu wa malembe naswona u na ntsengo wa xibalo lexi nga hakeriwangiki wa \$1,006,517. U byerile khoto leswaku nkarhi hinkwawo a swi lava ku hakela swibalo swa yena kambe a nga swi koti tanihleswi ntirho-vutomi wa yena a wa ha ku sungula.

Wesley Snipes

Hi ti2 Dzivamisoko 2013 mutlangi wa mitlangu ya le ka thelevhixini wa le America, muhumelerisi wa tifilimi, na mutokoti hi swa karati Wesley Snipes u rhumeriwile ekhotsweni endzhaku ka loko a tsandzekile ku rhumela mitlheriso ya xibalo xa mali leyi ngenaka eka malembe manharhu. Snipes u voniwile nandzu eka milandzu yinharhu yo tsandzeka ku fayila mitlheriso ya xibalo hi 2008. Exikarhi ka 1999 na 2001, Snipes u papalatile \$7 miliyoni ya swibalo. Kun'we ka vutisirheleri bya Snipes bya ntiyiso a ku ri leswaku a tiseketela hi switsundzuxo swa vatsundzuxi va yena va xibalo, Eddie Ray Kahn na Douglas P. Rosile. Va voniwile nandzu hi vaavanyisi vo fana vo tirhana vumbabva bya xibalo na xikhirhi naswona havambirhi va kumile mikarhi yo leha ya le khotsweni yo tlula ya Snipes.

Leona Helmsley

Xitsutsu xa tihotela lexi tivekaka hi ku tshahiwa xi vula leswaku "A hi hakeli swibalo. Ku hakela ntsena vanhu lavatsongo swibalo." Muavanyisi u lerisile leswaku xigwevo xa yena xi sungula hi ti 15 Dzivamisoko siku leri ku nga Siku ra Xibalo eUSA.

Al Capone

A va kotanga ku rhwexa milandzu ya vuxisi eka Tatana Capone kambe mpapalato wa yena wo hakela xibalo wu kombisile ku wa ka yena.

Ulrich Hoeness

Ulrich Hoeness, mutlangi wa bolo wa ndhuma wa muGerman na khale ka phuresidente wa xipano xa bolo ya milenge xa Bayern Munich u gweviwile malembe manharhu na hafu ekhotsweni endzhaku ko voniwa nandzu eka vumbabva bya xibalo hi khoto ya le Germany hi Ravumune 13 Nyenyankulu 2014. Hoeness u kanganyisile mfumo wa le Germany kwalomuya ka 27m wa Tiyuro ta xibalo lexi nga hakeriwangiki. U vurile leswaku a nge aphili avanyiso naswona u tshikile ntirho eka xiyimo xa yena xa vuphuresidente no va mutshamaxitulu wa bodo ya xipano xa bolo ya milenge.